



□ 11
2971
52



口川  
2971  
52

司馬彪戰略

司馬彪戰略

甘泉黃奭學

逸書考

劉表

劉表之初為荊州也江南宗賊盛袁術屯魯  
陽盡有南陽之眾吳人蘇代領長沙太守貝  
羽為華容長各阻兵作亂表初到單馬入宜  
城而延中廬人蒯良越惠氏後漢書補注十  
七引延中廬人蒯良  
蒯蒯良字襄陽人蔡瑁與謀表曰宗賊甚盛  
而眾不附袁術因之禍至今矣吾欲徵兵恐

司馬彪戰略

一

昭和十八年  
十月十八日  
購本

不集其策安出良曰衆不附者仁不足也附而不治者義不足也苟仁義之道行百姓歸之如水之趣下何患所至之不從而問興兵與策乎表顧問越越曰治平者先仁義治亂者先權謀兵不在多在得人也袁術勇而無斷蘇代貝羽皆武人不足慮宗賊師多貪暴爲下所患越有所素養者使示之以利必以衆來君誅其無道撫而用之一州之人有樂存之心聞君盛德必襁負而至矣兵集衆附

南據江陵北守襄陽荊州八郡可傳檄而定術等雖至無能爲也表曰子柔之言雍季之

論也異度之計曰犯之謀也遂使越遣人誘

宗賊至者五十五人後漢書劉表傳作十五人惠氏補注十七引戰

略曰五十五人皆斬之襲取其衆或卽授部曲惟江

夏賊張虎陳生後漢書作陳坐惠氏補注十七曰戰略作陳生擁衆

據襄陽表乃使越與龐季往說降之江南遂

悉平三國魏志劉表傳注

袁尚傳幹神將對洲吳續萬人與回戰單于

袁尙遣高幹郭援將兵數萬人與匈奴單于  
寇河東遣使與馬騰韓遂等連和騰等陰許  
之傅幹說騰曰古人有言順道者昌逆德者  
亡曹公奉天子誅暴亂法明國治上下用命  
有義必賞無義必罰可謂順道矣袁氏背王  
命驅胡虜以陵中國寬而多忌仁而無斷兵  
雖疆實夫天下心可謂逆德矣今將軍既事  
有道不盡其力陰懷兩端欲以坐觀成敗吾  
恐成敗既定奉辭責罪將軍先為誅首矣於

是騰懼幹曰智者轉禍為福今曹公與袁氏  
相持而高幹郭援獨制河東曹公雖有萬全  
之策不能禁河東之不危也將軍誠能引兵  
討援內外擊之其勢必舉是將軍一舉斷袁  
氏之背解一方之急曹公必重德將軍將軍  
功名竹帛不能盡載也唯將軍審所擇騰曰  
敬從教於是遣子超將精兵萬餘人并將遂  
等兵與繇會擊援等大破之

三國魏志鍾繇傳注

孟達

孟達將蜀兵數百降魏文帝以達為新城太守太和元年諸葛亮從成都到漢中達又欲應亮遺亮玉玦織成郭汗蘇合香亮使郭摸詐降過魏興太守申儀與達有隙摸語儀言玉玦者謀已決織成者言謀已成蘇合香者言事已合

御覽三百五十九

司馬懿

遼東太守公孫淵反明帝召太尉司馬懿討之軍到襄平公圍之北面東面有圍不合連

車置水中積石鎮其上以鹿角塞之

御覽三百三十七

遼東太守公孫淵反太尉司馬懿討之軍到襄平去城百步穿重塹監連柵安諸營立樓櫓其近水沙地不得作圍塹而車輪以大弋琢穿中又監輪障其前

御覽三百三十七

蔣濟

太和六年明帝遣平州刺史田豫乘海渡幽州刺史王雄陸道并攻遼東蔣濟諫曰凡非

相吞之國不侵叛之臣不宜輕伐伐之而不制是驅使為賊故曰虎狼當路不治狐狸先除大害小害自己今海表之地累世委質歲選計考不乏職貢議者先之正使一舉便克得其民不足益國得其財不足為富儻不如意是為結怨失信也帝不聽豫行竟無成而還

國魏志蔣濟傳注

傅嘏

嘉平四年四月孫權死征南大將軍王昶征

樂將軍胡遵鎮南將軍毋邱儉等表請征吳朝廷以三征計異訪尚書傅嘏嘏對曰昔夫差勝齊陵晉威行中國不能以免姑蘇之禍齊閔辟土兼國開地千里不足以救顛覆之敗有始不必善終古事之明效也孫權自破蜀兼平荊州之後志盈欲滿罪戮忠良誅及屠嗣元凶已極相國宣文侯先識取亂侮亡之義深建宏圖大舉之策今權已死託孤於諸葛恪若矯權苛暴蠲其虐政民免酷烈偷

言思慮雖舉  
安新惠外內齊慮有同舟之懼雖不能終自  
保完猶足以延期挺命於深江之表矣昶等  
或欲汎舟徑渡橫行江表收民略地因糧於  
寇或欲四道並進臨之以武誘間攜貳待其  
崩壞或欲進軍大佃偏其項領積穀觀釁相  
時而動凡此三者皆取賊之常計也然施之  
當機則功成名立苟不應節必貽後患自治  
兵以來出入三載非掩襲之軍也賊喪元帥  
利存退守若撰飾舟楫羅船津要堅城清野

以防卒攻橫行之計殆難必施賊之爲寇幾  
六十年君臣僞立吉凶同患若恪蠲其弊天  
去其疾崩潰之應不可卒待今邊壤之守與  
賊相遠賊設羅落又持重密間諜不行耳目  
無聞夫軍無耳目校察未詳而舉大衆以臨  
巨險此爲希幸徼功先戰而後求勝非全軍  
之長策也唯有進軍大佃最差完牢可詔昶  
遵等擇地居險審所錯置及令三方一時前  
守奪其肥壤使還耕墾土一也兵出民表寇

言思慮單學  
鈔不犯二也招懷近路降附日至三也羅落  
遠設間搆不來四也賊退其守羅落必淺個  
作易之五也坐食積穀士不運輸六也釁隙  
時聞討襲速決七也凡此七者軍事之急務  
也不據則賊擅便資據之則利歸於國不可  
不察也夫屯壘相逼形勢已交智勇得陳巧  
拙得用策之而知得失之計角之而知有餘  
不足虜之情偽將焉所逃夫以小敵大則役  
煩力竭以貧敵富則斂重財匱故敵逸能勞

之飽能飢之此之謂也然後盛衆厲兵以震  
之參惠倍賞以招之多方廣似以疑之由不  
虞之道以間其不戒比及三年左提右挈虜  
必冰散瓦解安受其弊可坐算而得也昔漢  
氏歷世常患匈奴朝臣謀士早朝晏罷介冑  
之將則陳征伐縉紳之徒咸言和親勇奮之  
士思展搏噬故樊噲願以十萬之衆橫行匈  
奴季布面折其短李信求以二十萬獨舉楚  
人而果辱秦軍今諸將有陳越江陵險獨步



虜廷卽亦向時之類也以陛下聖德輔相忠賢法明士練錯計於全勝之地振長策以禦之虜之崩潰必然之數故兵法曰屈人之兵而非戰也拔人之城而非攻也若釋廟勝必然之理而行萬一必不全之路誠愚臣之所慮也故謂大佃而偏之計最長時不從嘏言其年十一月詔昶等征吳五年正月諸葛恪三國魏志傳嘏傳注戰大破衆軍於東關

王基

景元二年春三月襄陽太守胡烈表上吳賊鄧由李光等同謀十八屯欲來歸化遣將張吳鄧生并送質任克期欲令郡軍臨江迎拔大將軍司馬文王啟聞詔征南將軍王基部分諸軍使烈督萬人徑造沮水荊州義陽南屯宜城承書夙發若由等如期到者便當因此震蕩江表基疑賊詐降誘致官兵馳驛止文王說由等可疑之狀且當清澄未宜便舉重兵深入應之又曰夷陵東道當由車御至

赤岸乃得度沮西道當出箭溪口乃趣平土  
皆山險夾竹木叢蔚卒有要害弩馬不陳今  
者筋角弩弱水潦方降廢盛農之務徼難必  
之利此事之危者也昔子午之役兵行數百  
里而值淋雨橋閣破壞後糧腐敗前軍縣乏  
姜維深入不待輜重士衆飢餓覆車上邽文  
欽唐咨舉吳重兵昧利壽春身沒不反此皆  
近事之鑒戒也嘉平以來累有內難當今之  
宜當鎮安社稷撫寧上下力農務本懷柔百

姓未宜動衆以求外利也得之未足爲多失  
之傷損威重文王累得基書意疑尋敕諸軍  
已上道者且權停住所在須後節度基又言  
於文王曰昔漢祖納酈生之說欲封六國後  
寤張良之謀而趣銷印基謀慮淺短誠不及  
留侯亦懼襄陽有食其之謬文王於是遂罷  
軍巖後由等果不降

三國魏志王基傳注

附錄

楚莊王賜羣臣酒日暮燭滅有引美人衣者

美人援絕其冠纓告王王曰人醉失禮奈何  
欲顯婦人之節而辱士乎乃命曰羣臣皆絕  
去冠纓然後上燭初學記二十五引戰略案  
司馬氏戰略多是三國時  
事與九州春秋相表裏此敘及古事疑非一  
手或是敘說中一段未可知又案隋書經籍  
志載兵記八卷司馬彪撰一本二十卷而不  
出司馬彪戰略又另載戰略二十六卷金城  
公趙張撰今檢云國志注俱引司馬彪戰略  
而不云兵記太平御覽亦然此屬可據不知  
隋經籍志何以闕而不載兵記又是書此  
條楚莊王事初學記引作司馬彪戰略疑  
或是兵記中語若趙張之戰略則諸書無有  
引及者

子史鈎沈

司馬彪九州春秋

甘泉黃奭學

逸書考

崔烈

崔烈廷尉卿靈帝時開鴻都門榜賣官爵烈  
時入錢五百萬得為司徒及拜日天子臨軒  
百僚畢會帝顧謂倖者曰恨不小斬可至千  
萬程夫人於傍應曰崔公冀州名士豈肯買  
官賴我得是反不知姝邪注曰姝美也言反  
不知斯事之美也  
或作株根本也案此  
注係陳禹謨補引烈問其子鈞曰吾居三



公於議者何如鈞曰大人少有英稱歷位卿  
守論者不謂當為三公而今登其位天下失  
望烈曰何為然也鈞者論者嫌其銅臭耳烈  
怒舉杖擊之鈞走烈罵曰死卒父搥而走孝  
乎鈞曰舜之事父小杖則受大杖則走非不  
孝也烈慙而止書鈔五十又初學記十一引  
靈帝賣官廷尉崔烈入錢五  
百萬以買司徒烈子均亦有時名烈問曰吾  
作公天下人謂何如對曰大人少有高名不  
謂不當為公今登其位海內嫌其銅臭烈舉  
杖擊之均走烈曰子受公搥而走可謂孝乎  
均曰舜之事父小杖則受大杖則走不陷父  
於不義烈曰爾以吾為瞽瞍耶又御覽二百

八引同初學記惠棟後漢書補注十二引烈  
時為廷尉卿又引均字元平又引鈞曰舜之  
事父小杖則受大杖則走不陷父於不義也  
烈曰爾以吾為瞽瞍耶又陶九成說乳載此  
事與初學記十一同烈子均下有字孔平三  
字

王芬

於是陳蕃子逸與術士平原襄楷會於芬坐  
楷曰天文不利宦者黃門常侍真族滅矣逸  
喜芬曰若然者芬願驅除於是與攸等結謀  
靈帝欲北巡河間舊宅芬等謀因此作難上  
書言黑山賊攻劫郡縣求得起兵會北方有

赤氣東西竟天太史上言當有陰謀不宜北

行帝乃止敕芬罷兵俄而徵之芬懼自殺

魏志武帝紀注惠氏後漢書補注卷八載何焯轉引陳蕃子逸至結謀會於芬坐作會於冀州刺史王芬坐依上有許字

楊鳳

張角之反也黑山白波黃龍左校牛角五鹿  
羝根苦嶮劉石平漢大洪司隸緣城羅市雷  
公浮雲飛燕白爵楊鳳千毒等各起兵大者  
二三萬小者不減數千靈帝不能討乃遣使

拜楊鳳為黑山校尉領諸山賊得舉孝廉計  
吏後遂彌漫不可復數 三國魏志張燕傳注

張燕

燕本姓褚黃巾賊起燕聚少年為羣盜博陵  
張牛角亦起與燕合燕推牛角為帥俱收瘦  
陶牛角為飛矢所中被創且死大會其眾告  
曰必以燕為帥牛角死眾奉燕故改姓張性  
剽悍捷速故軍中號曰飛燕其後人眾浸廣  
常山趙郡中山上黨河內諸山谷皆相通號

曰黑山也

後漢書袁紹傳注

大洪緣城苦蝮

後漢書朱雋傳自黃巾賊後復有黑山黃

龍白波左校郭大賢于氏根青牛角張白

騎劉石左髭丈八漢大計司隸掾哉雷公

浮雲飛燕白雀楊鳳于毒五鹿李大目白

繞畦固苦晒之徒並起山谷間不可勝數

注九州春秋大計作大洪掾哉作緣城晒

作晒音才由反

閻忠

中平元年車騎將軍皇甫嵩既破黃巾威震

天下閻忠時罷信都令說嵩曰夫難得而易

失者時也時至而不旋踵者機也故聖人常

順時而動智者必因機而發今將軍遭難得

之運蹈易解之機而踐運不撫臨機不發將

何以享大名乎嵩曰何謂也忠曰天道無親

百姓與能故有高人之功者不受庸主之賞

今將軍受鉞於初春收功於末冬兵動若神

謀不再計旬月之間神兵電掃攻堅易於折  
枯摧敵甚於湯雪七州席卷屠二十六萬方  
夷黃巾之師除邪害之患或封戶刻石南面  
以報德威震本朝風馳海外是以羣雄迴首  
百姓企踵雖湯武之舉未有高於將軍者身  
建高人之功北面以事庸主將何以圖安嵩  
曰心不忘忠何爲不安忠曰不然昔韓信不  
忍一飧之遇而棄三分之利拒蒯通之忠忽  
鼎峙之勢利劍已揣其喉乃歎息而悔所以

見烹於兒女也今主勢弱於劉項將軍權重  
於淮陰指麾可以振風雲叱咤足以興雷電  
赫然奮發因危抵頽崇恩以綏前附振武以  
臨後服徵冀方之士動七州之衆朋檄先馳  
於前大軍震響於後蹈蹟漳河飲馬孟津舉  
天網以爲綱羅京都誅闔宦之罪除羣怨之  
積忿解久危之倒懸如此則攻守無堅城不  
招必影從雖兒童可使奮空拳以致力女子  
可使其褰裳以用命況厲智能之士因迅風

言馬鹿九州春秋  
之勢則大功不足合八方不足同也功業已  
就天下已順乃燎於上帝告以天命混齊六  
合南面以制移神器於己家推亡漢以定祚  
實神機之至決風發之良時也夫木朽不彫  
世衰難制將軍雖欲委忠難佐之朝彫畫朽  
敗之木猶逆坂而走丸必不可也方今權宦  
羣居同惡如市主上不自由詔命出左右如  
有至聰不察機事不先必嬰後悔亦無及矣  
嵩不從忠乃亡去 三國魏志賈詡傳注

董卓

卓初入洛陽步騎不過三千自嫌兵少不爲  
遠近所服率四五日輒夜遣兵出四城門明  
日陳金鼓而入宣言云西兵復入至洛中人  
不覺謂卓兵不可勝數 三國魏志董卓傳注  
吳傳胡軫宮門無警以具縛縛父卓卓死父  
卓以東郡太守胡軫爲大都督呂布爲騎督  
軫性急豫宣言今此行也要當斬一青綬乃  
整齊耳布等惡之宣言相警云賊至軍衆大



亂奔走

後漢書董卓傳注

呂布

宣帝令此布要當神一青

布素使秦誼陳衛李黑等偽作宮門衛士持長戟卓到宮門黑等以長戟挾义卓車或义其馬卓驚呼布布素施鎧於衣中持矛即應聲刺卓墜於車

後漢書董卓傳注

布與暹奉書曰二將軍拔大駕來東有元功於國當書勳竹帛萬世不朽今袁術造逆當共誅討奈何與賊臣還共伐布布有殺董卓

之功與二將軍俱為功臣可因今共擊破術

建功於天下此時不可失也暹奉得書即迴

計從布布進軍去勳等營百步暹奉兵同時

並發斬十將首殺傷墮水死者不可勝數

魏志張邈傳注暹奉韓暹楊奉也勳謂張勳為袁術將

後漢書董卓傳主簿田儀及卓蒼頭前赴

其尸布又殺之注九州春秋儀字作景

焦和

初平中焦和為青州刺史是時英雄並起黃巾寇暴和務及同盟俱入京師不暇為民保障引軍踰河而西未久而袁曹二公與卓將戰於滎陽敗績黃巾遂廣屠裂城邑和不能禦然軍器尚利戰士尚眾而耳目偵邏不設恐動之言妄至望寇奔走未嘗接風塵交旗鼓也欲作陷冰丸沉河令賊不得渡禱祈羣神求用兵必利著筮常陳於前巫祝不去於側人見其清談干雲出則渾亂命不可知州

遂蕭條悉為邱墟也

三國魏志臧洪傳注又御覽九百八十四引青州刺史焦和多為陷水丸沉河湟寇不得渡

胡文才對楊整修

催等在陝皆恐怖急擁兵自守胡文才楊整修皆涼州大人而王允素所不善也及李催之叛乃呼文才整修使東解釋之不假借以溫顏謂曰關東鼠子欲何為耶卿往呼之於是二人往實召兵而還

三國魏志董卓傳注又後漢書董卓傳注引無催等至自守十二字人上無大字王允上無而字叛作亂呼作召解釋作曉諭何為

言馬鹿九少者利耶作何為乎卿往呼之作即往諭之

樊稠

馬騰韓遂之敗樊稠追至陳倉遂語稠曰天地反覆未可知也本所爭者非私怨王家事耳與足下州里人今雖小違要當大同欲相與善語以別邂逅萬不如意後可復相見乎俱卻騎前接馬交臂共語良久而別催兄子利隨稠利還告催韓樊交馬語不知所道意愛甚密催以是疑稠與韓遂私和而有異

心稠欲將兵東出關從催索益兵因請稠會議便於坐殺稠三國魏志董卓傳注

劉虞

紹馥使故樂浪太守甘陵張岐齋議詣虞使即尊號虞厲聲呵岐曰卿敢出此言乎忠孝之道既不能濟孤受國恩天下擾亂未能竭命以除國恥望諸州郡烈義之士戮力西面援迎幼主而乃妄造逆謀塗污忠臣耶三國魏志

公孫瓚注

韓暹

暹失奉孤特與千餘騎欲歸并州為張宣所殺

後漢書董卓傳注

韓馥

馥遣都督從事趙浮程奐將彊弩萬張屯河陽浮等聞馥欲以冀州與紹自孟津馳東下時紹尚在朝歌清水口浮等從後來船數百艘眾萬餘人整兵鼓夜過紹營紹甚惡之浮等到謂馥曰袁本初軍無斗糧各已離散雖

有張楊於浮羅新附未肯為用不足敵也小從事等請自以見兵拒之旬日之間必土崩瓦解明將軍但當開閣高枕何憂何懼馥不從乃避位出居趙忠故舍遣子齋冀州印綬於黎陽與紹

後漢書袁紹傳注

至厠因以書刀自殺

後漢書袁紹傳注案范

史馥往依張邈後紹遣使詣邈有所計議因共耳語馥時在坐謂見圖謀無何如厠自殺

張純

純自號彌天將軍安定王

三國魏志公孫瓚傳注案魏志漁陽

張純誘遼西烏丸邱力居等叛劫略薊中自號將軍

### 公孫瓚

還屯廣宗界橋

後漢書袁紹傳注時袁紹將麴義追至界橋

公孫瓚曰始天下兵起我謂唾掌而決至於今日兵革方始觀此非我所決不如休兵力

耕以救凶年兵法百樓不攻今吾諸營樓櫓

千里積穀三百萬斛食此足以待天下變也

御覽三百三十變舊作慶誤又後漢書公孫瓚注引瓚曰始天下兵起我謂唾手而決說郭載公孫瓚為袁紹所圍曰天下兵起我謂唾掌而決今視孫之兵革方始不如休兵積

穀案孫之二字有誤

### 侯成

初布騎將侯成遣客牧馬十五匹客悉驅馬去向沛城欲歸劉備成自將騎逐之悉得馬還諸將合禮賀成成釀五六斛酒獵得十餘頭豬未飲食先持半豬五斗酒自入詣布前跪言問蒙將軍恩逐得所失馬諸將來相賀白釀少酒獵得豬未敢飲食先奉上微意布大怒曰布禁酒卿釀酒諸將共飲作兄弟共

謀殺布耶成大懼而去棄所釀酒還諸將禮  
由是自疑會太祖圍下邳成遂領眾降三國志  
張邈傳注又御覽八百九十四引至得所失  
馬悉得作竟得賀下無二成字釀上有或字  
蓋成字之誤

朱靈

初清河季雍以郇叛袁紹而降公孫瓚瓚遣  
兵衛之紹遣靈攻之靈家在城中瓚將靈母  
弟置城上誘呼靈靈望城涕泣曰丈夫一出  
身與人豈復顧家耶遂力戰拔之生禽雍而

靈家皆死三國志徐晃傳注又御覽三百  
十引遂力戰拔之作戰字拔之未  
有靈字文博四字

袁紹

初紹說進曰黃門常侍累世太盛威服海內  
前竇武欲誅之而反為所害但坐言語漏泄  
以五營士為兵故耳五營士生長京師服畏  
中人而竇氏反用其鋒遂果叛走歸黃門是  
以自取破滅今將軍以元舅之尊二府並領  
勁兵其部曲將吏皆英雄名士樂盡死力事

在掌握天贊其時也今為天下誅除貪穢功  
勳顯著垂名後世雖周之申伯何足道哉今  
大行在前殿將軍以詔書領兵衛守可勿入  
宮進納其言後更狐疑紹懼進之改變脅進  
曰今交構已成形勢已露將軍何為不早決  
之事留變生後機禍至進不從遂敗

傳注

三國魏志袁紹

授諫辭曰世稱一兔走徯萬人逐之一人獲  
之貪者悉止分定故也且年均以賢德均則

卜古之制也願上惟先代成敗之戒下思逐  
兔分定之義紹曰孤欲令四兒各據一州以  
觀其能授出曰禍其始此乎

三國魏志袁紹傳注

袁譚

譚始至青州為都督未為刺史後太祖拜為  
刺史其上自河而西蓋不過平原而已遂北  
排田楷東攻孔融曜兵海隅是時百姓無主  
欣戴之矣然信用羣小好受近言肆志奢淫  
不知稼穡之艱難華彥孔順皆姦佞人也信

言身處九州春秋  
以為腹心王修等備官而已然能接待賓客  
慕名敬士使婦弟領兵在內至今草竊市井  
而外虜掠田野別使兩將募兵下縣有賂者  
見免無者見取貧弱者多乃至於竄伏邱野  
之中放兵捕索如獵鳥獸邑有萬戶者著籍  
不盈數百收賦納稅參分不入一招命賢士  
不就趨赴軍期安居族黨亦不能罪也  
魏志袁紹傳注

袁術

司隸馮方女國色也避亂揚州術登城見而  
悅之遂納焉甚愛幸諸婦害其寵語之曰將  
軍貴人有志節當時時涕泣憂悲必長見敬  
重馮氏以為然後見術輒垂涕術以有心志  
益哀之諸婦人因共絞殺懸之廁梁術誠以  
為不得志而死乃厚加殯斂  
三國魏志袁術傳注又後漢書  
袁術傳注引語之作給之見術上無後字諸  
婦人因共絞殺作諸婦因是共絞殺之而死  
下有也字未有焉字

郭圖

司馬彪九州春秋

古



晉書袁紹穎川郭圖注

圖字公則

陳瑀

初平三年揚州刺史陳禕死袁術使瑀領揚州牧後術為曹公所敗於封邱南人叛瑀瑀拒之術走陰陵好辭以下瑀瑀不知權而又怯不即攻術術於淮北集兵向壽春瑀懼使其弟公琰請和於術術執之而進瑀走歸下邳三國吳志呂範傳注

杜襲

建安六年劉表攻西鄂西鄂長杜子緒帥縣

男女嬰城而守時南陽功曹柏孝長亦在城

中間兵攻聲入室閉戶牽被覆頭相攻半日

稍敢出面其明側立而聽一日往出戶問消

息至四五日乃更負楯親鬥語子緒曰勇可

習也三國魏志杜襲傳注又御覽二百六十二

字又白六帖二十九引劉表攻西鄂州長杜

子緒守拒時柏季長在城中間兵勢急恐入

室牽被覆頭攻半日稍出面明日側立而聽

勇可習者也案魏志注御覽俱引作柏孝長

此作柏季長又說郭載此事間兵攻聲下有

引馬影九州春秋

十五

言馬鹿九州春利  
恐懼二字亦云南陽功曹柏孝長則作孝長者是

臧洪

臧洪為青州刺史被袁紹所圍糧食已盡初  
尚掘鼠煮筋角後無可復食者主簿啟內廚  
米三斗請中分稍以為糜粥洪歎曰獨食此  
何為使作薄粥眾分歆之殺其愛妾以食將  
士將士咸流涕無能仰視者書鈔一百四十七  
陳禹謨補又  
七十二虞引臧洪為青州刺史為袁紹所圍  
糧食盡廚有米三斗主簿啟進內稍以為糜  
粥洪歎曰吾獨食此何味命使為薄粥與眾  
共歆之說郭載此事與書鈔七十二同糧下

無食字進內作白字稍作欲糜作薄又一條  
載臧洪事與書鈔一百四十四同復食下無  
者字無請中分三字歆之下無殺其愛妾至  
末

孔融

融住北海自以智能優贍溢才命世當時豪  
俊皆不能及亦自許大志且欲舉軍曜甲與  
羣賢要功自於海岱結植根本不肯碌碌如  
平居郡守事方伯赴期會而已然其所任用  
好奇取異皆輕剽之才至於稽古之士謬為  
恭敬禮之雖備不與論國事也高密鄭玄稱

之鄭公執子孫禮及高談教令盈溢官曹辭  
氣温雅可玩而誦誦字疑衍論事考實難可悉行  
但能張磔網羅其自理甚疏租賦少稽一朝  
殺五部督郵姦民污吏猾亂朝市亦不能治  
幽州精兵亂至徐州卒到城下舉國皆恐融  
直出說之令無異志遂與別校謀夜覆幽州  
幽州軍敗悉有其衆無幾時還復叛亡黃巾  
將至融大飲醇酒躬自上馬禦之涑水之上  
寇令上部與融相拒兩翼徑涉水直到所治

城城潰融不得入轉至南縣左右稍叛連年  
傾覆事無所濟遂不能保鄆四境棄郡而去  
後徙徐州以北海相自還領青州刺史治郡  
比郵欲附山東外接遼東得戎馬之利建樹  
根本孤立一隅不與其也于時曹袁公孫共  
相首尾戰士不滿數百穀不至萬斛王子法  
劉孔慈凶辨小才信為腹心左承祖劉義遜  
清雋之士備在坐席而已言此民望不可失  
也承祖勸融自託疆國融不聽而殺之義遜

棄去遂為袁譚所攻自春至夏城小寇眾流  
矢雨集然融憑几安坐讀書論議自若城壞  
眾亡身奔山東室家為譚所虜三國魏志崔季珪傳注又  
書鈔七十一御覽二百四十八引孔融為北  
海相一朝殺部督郵案部上脫五字又書  
六十九引孔融為北海太守為袁譚所攻流  
矢雨集矛戟內接然融憑几安坐讀書論議  
自若也

曹公制酒禁而孔融書嘲之曰夫天有酒旗  
之星地列酒泉之郡人有旨酒之德故堯不  
干鍾無以成其聖且桀紂以色亡國今令不

蔡婚姻也太祖外雖寬容之內不能平御史

大夫郗慮知旨以免融官御覽八百四十四

內不能平

孫策

策聞曹公北征柳城悉起江南之眾自號大

司馬將北襲許恃其勇行不設備故及於難

三國吳志孫策傳注

自映郭嘉

曹公征烏桓諸將曰深入遠征萬一劉表使

劉備龔許悔無及也郭嘉曰劉表坐談客耳  
自知才不足以禦備重用之則恐不能制輕  
之則備不爲用雖違國遠征無憂矣公遂征  
之後漢書袁劉傳贊注

賈詡

曹公與袁紹相距遣人招張繡繡欲歸紹賈  
詡勸繡歸曹公繡曰紹強又曹公與吾有讐  
不可詡曰此乃所以宜從之也夫有霸王之  
志者固將釋大怨明德於四海也繡從之歸

曹公曹公見之喜執詡手曰使我信重於天  
下者君也御覽四百六十七

劉備

劉備奔荊州劉表甚敬禮之備作上客數年  
嘗於坐中起至厠見髀裏肉生流涕還坐表  
問備備曰昔年嘗身不離鞍髀肉皆消今不  
復騎髀裏生肉日月若馳老將至矣而功業  
不立是以悲耳御覽三百七十二又三國蜀  
志先主傳注引備住荊州數  
年嘗於表坐起至厠下同流涕上有慨然二  
字表問作表怪問不立作不建

傅幹

參軍傅幹諫曰治天下之大具有二文與武也  
用武則先威用文則先德威德足以相濟而後王道備矣  
往者天下大亂上下失序明公用武攘之十平其九  
今未承王命者吳與蜀也吳有長江之險蜀有崇山之阻  
難以威服易以德懷愚以為可且按甲寢兵息軍養士  
分土定封論功行賞若此則內外之心固  
有功者勸而天下知制矣然後漸興學校以

導其善性而長其義節公神武震於四海若  
修文以濟之則普天之下無思不服矣今舉  
十萬之眾頓之長江之濱若賊負固深藏則  
士馬不能逞其能奇變無所用其權則大威  
有屈而敵心未能服矣惟明公思虞舜舞干  
戚之義全威養德以道制勝公不從軍遂無  
功幹字彥材北地人終於丞相倉曹屬有子  
曰玄三國魏志武帝紀注又書鈔一百十六  
引曹公征孫權參軍傅幹諫曰往者天  
下大亂至分土定封下即接普天之下至軍  
遂無功疑幹字彥材已下十八字是裴松之

注又御覽四百五十六引曹公征孫權參軍  
傅幹諫曰今未承王命者吳與蜀也惟明公  
思虞舜舞干戚之義全威養德以道制勝公  
不從軍遂無功

魯肅

曹公征荊州孫權大懼魯肅欲勸權拒曹公  
乃激說權曰彼曹公者實嚴敵也新并袁紹  
兵馬甚精乘戰勝之威伐喪亂之國克可必  
也不如遣兵助之且送將軍家詣鄴不然將  
危權大怒欲斬肅肅因曰今事已急卽有他  
圖何不遣兵助劉備而欲斬我乎權然之卽

遣周瑜助備

三國吳志魯肅傳注

統

統說備曰荊州荒殘人物殫盡東有吳孫北  
有曹氏鼎足之計難以得志今益州國富民  
強戶口百萬四部兵馬所出必具寶貨無求  
於外今可權借以定大事備曰今指與吾爲  
水火者曹操也操以急吾以寬操以暴吾以  
仁操以譎吾以忠每與操反事乃可成耳今  
以小故而失信義於天下吾所不取也統曰

權變之時固非一道所能定也兼弱攻昧五  
霸之事逆取順守報之以義事定之後封以  
大國何負於信今日不取終為人利耳備遂  
行三國蜀志龐統傳注

楊修

夏侯淵為劉備所殺於平陽曹公自長安出  
斜谷至陽平備拒險守峽王欲還出令曰雞  
肋官屬不知所謂楊修便曰夫雞肋棄之可  
惜食之無所得以比漢中王欲還也遂引還

御覽四百三十一又御覽九百十八引魏王  
入漢中討劉備不得進欲守復難意欲棄之  
乃發令云雞肋官屬不知主簿修曰夫雞肋  
棄之則可惜噉之無所得以比之漢中王欲  
去也乃白戒嚴王遂還又事類賦雞引同御  
覽噉之作取之又藝文九十一引同御覽無  
欲守復難四字官屬作疎屬無戒嚴二字王  
上有魏字又三國魏志武帝紀注引時王欲  
還出令曰雞肋官屬不知主簿楊修便  
自嚴裝人驚問何以知之修曰夫雞肋棄之  
如可惜食之無所得以比之漢中王欲還也  
又說郭載夏侯淵為黃忠所殺操臨漢中至  
陽平欲攻劉玄德而不得進欲守又難為功  
乃出令曰雞肋官屬不知主簿楊修便自嚴  
裝人驚問何以知之修曰雞肋棄之可惜  
食之無所得以比漢中王欲還也俄操迴  
師時人伏其幾決



自蕭梁入黨門以...  
 出命曰...  
 又...  
 自蕭梁入黨門以...  
 出命曰...  
 又...

子史鈎沈

傅暢晉諸公讚

太祖文帝

晉文王晉臺置強弩將軍掌宿衛

御覽二百三十九

世祖武帝

世祖時西域獻三足鳥遂累有赤鳥來集此

昌陵縣案昌字重日鳥者日中之鳥有託體

陽精應期曜質以顯至德者也

藝文九十九御覽九百

二十

傅暢晉諸公讚



世祖時西域獻孔雀解人語彈指應聲起儼  
御覽九百二十四 藝文九十一引彈指作

義陽王望

帝常與中護軍司馬望侍中王沈散騎常侍  
裴秀黃門侍郎鍾會等講宴於東堂并屬文  
論名秀為儒林丈人沈為文籍先生望會亦  
各有名號帝性急請召欲速秀等在內職到  
得及時以望在外特給追鋒車虎賁卒五人  
每有集會望輒奔馳而至  
魏志高貴鄉公紀

望字子初孚之長子有才識早知名咸熙中

位至司徒入晉封義陽王遷太尉大司馬時

孚為太宰父子居上公位自中代以來未之

有也洪子孔業封河間王  
魏志司馬朗傳注  
洪望子 御覽二

百九引義陽王為大司馬時父子為太宰父  
子居上公中代以來未之有也

高陽王珪

司馬珪時多令望早歷顯職晉受禪為尚書

左僕射時年三十七衆論以為美  
書鈔五十九 藝文

四十八 御覽二百十一引時多令望作少  
時 令望

武哀王騰

司馬騰

原訛騰下同

字元邁文獻王泰之第二子

也性沉壯起家為冗從僕射騰意欲棄官以

自顯出為郡守

御覽二百四十二

書鈔六

起官為冗從僕射意欲棄官以自顯由此為南陽太守

東羸王騰

原訛騰下同

於常山屯營時大積常山

門前方數丈融液騰怪而掘之得玉馬高尺

餘

藝文卷一

南陽王模

司馬模居關中鑄環銅人鑪簠為金器以易

穀藝文八十四

扶風王駿

駿八歲為散騎常侍侍魏齊王講晉受禪封

扶風王鎮關中為政最美薨贈武王西土思

之但見其碑贊者皆拜之而泣其遺愛如此

世說德行篇注 書鈔一百二引司馬駿鎮西戎既葬西戎之人見碑無不涕泣

司馬駿五六歲能書數魏王為帝駿八歲為

散騎常侍講

御覽二百二十四

扶風王年八歲聰明善詩賦中表奇之魏烈

祖以為齊王芳文學書鈔七十一御覽二

司馬駿八歲為散騎常侍侍講十二遷步兵

校尉書鈔五十八

扶風王駿為光祿比秩三司劍履上殿入朝

不趨書鈔五十六

齊王攸

任愷王俊齊王攸皆為魏員外散騎常侍時

公族務在閑任故置外位也書鈔五十八疑當作浚

趙王倫

司馬倫字子彝咸熙中趙王進征西假節都

督雍梁晉諸軍事倫誅羌大會數十人胡遂

反朝議召倫還文選潘安仁關中詩注

夫人九嬪

舊制貴嬪夫人比三公假金紫淑媛叔儀修

容修儀婕妤好容華光華為九嬪比九卿假銀

青御覽一百四十五

繁昌公主

初衛瓘子宣尚世祖女繁昌公主宣遇黃門  
不厚致有讒構楊駿欲專朝政諷內外奪宣  
主權由此去位上會諸妃主議問宣待汝薄  
今欲離汝意云何主素訥不能自伸但泣泣  
是不欲離諸妃主因言泣是婦人重於再出  
故泣耳於是遂離與姊妹書稱故新婦御覽一百五十二

宣華公主

賈后女宣華公主葬羽葆鼓吹熊渠攸飛為

鹵簿御覽五百五十四又六百八十一

郭惠 郭喜

惠字彥孫司馬景王輔政以女妻惠妻早亡  
文王復以女繼室即京兆長公主景文二王  
欲自結於郭后是以頻繁為婚惠雖無才學  
而恭謹謙順甄温字仲舒與郭建及惠等皆  
后族以事宜見寵咸熙初封郭建為臨濟縣  
公惠廣安縣公邑皆千八百戶温本國侯進  
為輔國大將軍加侍中領射聲校尉惠鎮軍

大將軍泰始元年晉受禪加建惠温三人位特進惠為人貞素加以世祖姊丈是以遂貴當世惠暮年官更轉為宗正遷侍中太康中大司馬齊王攸當之藩惠與左衛將軍王濟共諫請時人嘉之世祖以此望惠由此出惠為大鴻臚加侍中光祿大夫尋疾薨贈中軍大將軍開府侍中如故諡恭公子喜嗣喜精粹有器美歷中書郎右衛將軍侍中位至輔國大將軍加散騎常侍喜與國姻親而經趙

王倫齊王罔事故能不豫際會良由其才短然亦以退靜免之

魏志后妃傳注

王祥

祥字休徵琅邪臨沂人

世說德行篇注

王覽

覽率素有至行覽子孫繁衍頗有賢才相繼奕世之盛古今少比焉

魏志呂虔傳注

郭建

建字叔始有器局而疆問泰始中疾薨嘏嗣

傳暢晉諸公讚  
為給事中

魏志后妃傳注

郭配

淮弟配字仲南有重名位至城陽太守裴秀  
賈充皆配女婿子展字泰舒有器度幹用歷  
職著績終於太僕次弟豫字泰寧相國參軍  
知名早卒女適王衍配弟鎮字季南謁者僕  
射鎮子奕字太業魏志郭淮傳注世說規  
箴篇注引郭豫字太寧太  
原人仕至相國參軍知名早卒

郭奕

奕字太業太原陽曲人累世舊族奕有才望

歷雍州刺史尚書

世說賞譽篇注

郭展

郭展為太僕留心於養生是以廢馬充物其

後征吳得以濟事

藝文四十九御覽二百  
三十一書鈔三十六引太

僕下即接廢馬至末物作丁又五十四引晉  
書公卿表同藝文

崔林

初林拔同郡王經於民伍之中卒為名士世

以此稱之

魏志崔林傳注

博陽晉諸公讚

崔隨

述弟隨晉尚書僕射為人亮濟趙王倫篡位  
隨與其事倫敗隨亦廢錮而卒

魏志崔林傳注

崔璋

林孫璋性率而疎至太子右衛率

魏志崔林傳注

王經

沈業將出呼王經經不從曰吾子行矣

魏志高貴

鄉公紀注世說賢媛篇注

何曾

曾以高雅稱加性純孝位至太常封朗陵縣

公年八十餘薨諡曰元公子邵嗣邵字敬祖

才識深博有經國體儀位亦至太宰諡康公

子蕤嗣邵庶兄遵字思祖有幹能少經清職

終為太僕遵子綏字伯蔚亦以幹事稱永嘉

中為尚書為司馬越所殺

魏志何夔傳注

何曾字穎考陳郡陽夏人父夔魏太僕曾以

高雅稱加性仁孝累遷司隸校尉用心甚正

朝廷憚之仕晉至太宰

世說任誕篇注



高儁高誕大高光

柔長子儁大將軍掾次誕歷三州刺史太僕  
誕放率不倫而決烈過人次光字宜茂少習  
家業明練法理晉武帝時為黃沙御史與中  
丞同遷守廷尉後即真兄誕與光異操謂光  
小節常輕侮之而光事誕愈謹終尚書令追  
贈司空魏志高柔傳注

公平羊祜晉書曰元公平裕歸洛字始康

羊祜字叔子太山平陽人也世長吏二千石

至祜九世以清德稱為兒時遊汶濱有行父  
止而觀焉嘆息曰處士大好相善為之未六  
十當有重功於天下即富貴無相忘遂去莫  
知所在果遷都督荊州諸軍事自在南夏吳  
人悅服稱曰羊公莫敢名者南州人聞公喪  
號哭罷市世說言語篇注

羊祜薨贈太傅南州以市日聞喪即號哭罷  
市文選沈休文齊故安陸昭王碑文注

李喜

喜字季和上黨銅鞮人也少有高行研精藝

學宣帝為相國辟喜喜固辭疾景帝輔政為

從事中郎累遷光祿大夫特進贈太保世說

篇注文選羊叔子讓開府表注引喜字季

和上黨人少有高行為僕射年老遜位拜光

祿大夫

尚書杜預欲為平底釜謂於薪火為省黃門

郎賈彝於世祖前面質預曰釜之尖下以備

沃洗今若平底無以去水預亦不能折之御覽

七百五十七

杜預元凱作連機水碓由此洛下穀米豐賤

白帖春御覽七百六十二引征南杜預作

連機碓

杜錫字世根

暇有器局預從兄斌字世將亦有才望為黃

門郎為趙王倫所枉殺暇子义字洪治少有

令名為丹陽丞早卒魏志杜畿傳注未又云

阮武者亦拓落大才也

不知所屬姑附於此

杜育

博學晉諸公贊

杜育字方叔襄城鄧陵人杜襲孫也育幼便

歧嶷號神童及長美風姿有才藻時人號曰

杜聖累遷國子祭酒洛陽將沒為賊所殺世說

品藻篇注

文鴛一名俶

俶後為將軍破涼州虜名聞天下太康中為

東夷校尉假節當之職入辭武帝帝見而惡

之託以他事免俶官東安公繇諸葛誕外孫

欲殺俶因誅楊駿誣俶謀逆遂夷三族魏志諸葛

誕傳注

文叔破虜之後名聞天下當為東夷校尉入

辭世祖見而惡之恐居邊不信密諷監司奏

叔陽造四望車僭飾過制免官御覽七百七十五

賈充

充字公閭甘露中為將軍長史高貴鄉公之

難司馬文王賴充以免為晉室元功之臣位

至太宰封魯公諡曰武公魏志賈逵傳注

充字公閭襄陵人父逵魏豫州刺史充起家

為尙書遷廷尉聽訟稱平晉受禪封魯郡公  
充有才識明達治體加善刑法由此與散騎  
常侍裴楷共定科令蠲除密網以為晉律薨  
贈太宰世說政事篇注

賈充為太尉行太子太保以公位重其為保  
傅或領各隨其時御覽二百四十四 書鈔  
太子太保錄尙書事

賈充妻李氏

世祖踐阼李氏赦還而齊獻王妃欲令充遣

郭母更納其母充不允為李氏築宅而不往

來充母柳氏將亡充問所欲言者柳曰我教

汝迎李新婦尙不肯安問他事世說賢媛篇注

世祖以李豐得罪晉室又郭氏是太子妃無

離絕之理乃下詔勅斷不得往還世說同上

李氏有才德世稱李夫人訓者生女合亦才

明即齊王妃世說同上

賈充妻郭氏

郭氏即賈后母也為性高朗知后無子甚憂

愛愍懷每勸厲之臨亡誨賈后令盡意於太子言甚切至趙充華及賈謐母並勿令出入宮中又曰此皆亂汝事后不能用終至誅夷

世說惑溺篇注

韓壽

自暨以下世治素業壽能敦尚家風性尤忠厚早歷清職惠帝踐阼為散騎常侍遷守河南尹病卒贈驃騎將軍壽妻賈充女充無後以壽子謐為嗣弱冠為祕書監侍中性驕佚

而才出眾少子蔚亦有器望並為趙王倫所

誅韓氏遂滅

魏志韓暨傳注

壽字德真南陽赭陽人曾祖暨魏司徒有高

行壽敦家風性忠厚

世說惑溺篇注

胡遵

胡奮廣

胡烈岐

胡喜淵

胡烈兒名淵字世元遵之孫也遵安定人以才兼文武累居藩鎮至車騎將軍子奮字玄威亦歷方任女為晉武帝貴人有寵太康中以奮為尚書僕射加鎮東大將軍開府弟廣

字宣祖少府次烈字玄武秦州刺史次歧字  
玄嶷并州刺史廣子喜涼州刺史淵小字鶴  
鷗年十八殺會救父名震遠近後趙王倫篡  
位三王興義倫使淵與張泓將兵禦齊王屢  
破齊軍會成都戰克淵乃歸降伏法

魏志鍾  
會傳注

裴秀

司空裴秀以舊天下大圖用縑八十疋省視  
既難事又不審乃截減為方丈圖以一分為  
十里一寸為百里備載名山都邑王者可不

下堂而知四方也

書鈔九十六

裴頠

裴頠談理與王夷甫不相推下  
世說文學篇注  
自魏太常夏侯玄步兵校尉阮籍等皆著道  
德論於時侍中樂廣吏部郎劉漢亦體道而  
言約尚書令王夷甫講理而才虛散騎常侍  
戴與以學道為業後進庾數之徒皆希慕簡  
曠頽疾世俗為虛無之理故著崇有二論以  
折之才博喻廣學者不能究後樂廣與頠清

閒欲說理而頗辭愈豐博廣自以體虛無笑而不復言世說同上

惠帝時裴頠拜為國子祭酒奏立國子太學

起講堂築門闕刻石寫五經也書鈔六十七藝文三十四

三引無拜字無末五字御覽五百三十四引同藝文

裴楷

裴楷字叔則河東聞喜人司空秀之從弟也

父徽冀州刺史有俊識楷特精易義累遷河

南尹中書令卒世說德行篇注

裴楷為中書令加侍中與光祿大夫張華俱

處機密楷有時望而華獨開府時皆責之華

不敢受尋進楷開府書鈔五十七

楷與琅邪王戎俱為掾發名鍾會致之大將

軍司馬文王曰裴楷清通王戎簡要文王即

辟為掾進歷顯位魏志裴潛傳注

楷息瓚取楊駿女駿誅以相婚黨收付廷尉

侍中傅祗證楷素志由此得免世說雅量篇注

裴瓚

瑣字國寶楷之子才氣爽儁終中書郎世說品藻

篇注

裴憲

魏志裴潛傳注

裴康

魏志裴潛傳注

康有弘量歷太子左率

世說品藻篇注引康有

弘量

裴綽

魏志裴潛傳注

綽以明達為稱

魏志裴潛傳注

裴遐

魏志裴潛傳注

裴遐字叔道河東人父緯長水校尉少有理

稱辟司空掾散騎郎

世說文學篇注

裴邈

魏志裴潛傳注

邈字景聲河東聞喜人少有通才從兄願器

賞之每與清言終日達曙自謂理構多如輒

每謝之然未能出也歷太傅從事中郎左司

馬監東海王軍事少為文士而經事為將雖

非其才而以罕重稱也

世說雅量篇注



其諸葛靚

靚字季思琅邪人司空誕少子也雅正有才

誕以壽陽叛靚入質於吳以靚為右將軍大

司馬

世說言語篇注

吳亡靚入洛以父誕為太祖所殺誓不見世

祖世祖叔

琅邪王如靚之姊也帝後因靚

在姊間往就見焉靚逃於廁中於是以至孝

發名時嵇康亦被法而康子紹死蕩陰之役

談者咸曰觀紹靚二人然後知忠孝之道區

以別矣

世說方正篇注

衛瓘

瓘字伯玉河東安邑人少以明識清允稱傳

嘏恒貴重之謂之甯武子仕至太僕為楚王

璋所害

世說識鑒篇注

衛玠

玠字叔寶河東安邑人祖父瓘太尉父恒

黃門侍郎

世說言語篇注

張華

傳世晉書公讚

楚王瑋矯詔害汝南王亮其夜帝臨東堂張華唱議乃遣左右以白虎幡麾之然後兵散

御覽三百四十一

張華博識多聞問無不知為太子舍人

書鈔六十一

魏志盧毓傳注引問無作無物無末五字

陳準

陳準為中書令張華為監準與華俱處機密而準推崇之每直日有詔書無大小輒先示準了不措意華得詔書不以示準省中號準

為中書五郎其從容如此

御覽二百二十一藝文四十引至不

以示準陳準作陳淮誤此陳準與下條陳淮疑是一人姑分為二俟考

陳準

陳準字道基有德器為太子舍人

書鈔六十六

荀顛

顛字景倩或之子蹈禮立德思義溫雅加深識國體累遷光祿大夫晉受禪封臨淮公典朝儀刊正國式為一代之制轉太尉為台輔德望清重留心禮教卒諡康公

世說品藻篇注

荀勗

荀勗領秘書監太康二年汲郡冢中得竹書  
勗躬自撰次注寫以為中經列於祕書經傳  
闕文多所證明御覽二百三十四 初學記  
十二  
世祖時以荀勗所造律得周時玉律以校正  
同荀勗奏曰中所出御府銅管律二十五具  
與杜夔左延年法同藝文卷五

滿奮

奮體量清雅有曾祖寵之風遷尚書令為荀

顛所害

世說言語篇注 魏志滿寵傳注引  
奮體量通雅有寵風也

王濟

王濟字武子太原晉陽人司空渾第二子也  
有儁才能清言起家中書郎終太僕世說言語篇注  
齊王當出藩而王濟諫請無數又累遣常山  
王與婦長廣公主共入稽顙陳乞留之世祖  
甚恚謂王戎曰我兄弟至親今出齊王自朕  
家計而甄德王濟連遣婦人來生哭人邪濟  
等尚爾況餘者乎濟自此被責左遷國子祭

酒世說方正篇注

王濟左遷國子祭酒數年入為侍中文選傅長虞贈

何劭王濟詩注

濟與從兄恬不平濟為河南尹未拜行過王宮吏不時下道濟於車前鞭之有司奏免官

論者以濟為不長者尋轉太僕而王恬已見

重任濟遂斥外世說汰侈篇注書鈔七十

王官吏不下道濟鞭之

魏舒

魏舒雖有字量眾望未能悉歸侍中任愷為

世祖所委任泰始中啟舒散騎常侍侍中尙

書今又為吏部選僕射舒雖體度宏雅而才

鈍無所創設遷光祿大夫開府領司徒世祖

臨軒使太常任愷拜授朝廷以愷前啟拔舒

而為主人人為愷怨之也御覽六百三十一案未語有訛誤

任愷

愷字元哀樂安博昌人有雅識國幹萬機大小多綜之與賈充不平充乃啟愷掌吏部又

使有司奏愷用御食器坐免官世祖情遂薄焉世說任誕篇注

山濤

山濤為吏部尚書官人稱允書鈔三十六又六十一

劉邠

邠本名炎犯晉太子諱改為邠位至太子僕子粹字純嘏侍中次宏字終嘏太常次漢字仲嘏光祿大夫漢清沖有貴識名亞樂廣宏子咸徐州刺史次耽晉陵內史耽子恢字真

長尹丹陽為中興名士也

魏志管輅傳注

陸亮

亮字長興河內野王人太常陸父兄也性高明而率至為賈充所親待山濤為左僕射領選濤行業既與亮異自以為世數所敬選用之事與亮咨論亮每不得其所欲好事者說亮宜授心腹人為吏部尚書參同選若意不齊事不得諧可不召公與選而實得敘所懷充以為然乃啟亮公忠無私濤以亮將與已

異又恐其協情不允累啟亮可為左丞相非  
選官才世祖不許濤乃辭疾還家亮在職果  
不能允坐事免官

世說政事篇注

許允

允有正情與文帝不平遂幽殺之

世說賢媛篇注

許奇 允子

奇泰始中為太常丞世祖嘗祠廟奇應行事  
朝廷以奇受害之門不合接近出為長史世  
祖下詔述允宿望又稱奇才擢為尚書祠部

郎

世說賢媛篇注

許奇為尚書左丞有準繩節操

御覽二百三十三書鈔六

十引同操上脫節字下有也字

許猛

允子

猛禮學儒博加有才識為幽州刺史

世說賢媛篇注

鄭默 鄭球 鄭豫

默遵守家業以篤素稱位至太常默弟質舒  
詡皆為卿默子球清直有理識尚書左僕射  
領選球弟豫為尚書

魏志鄭渾傳注

鄭詡

詡字思淵榮陽開封人為衛尉卿祖泰揚州刺史父褒司空

世說排調篇注

盧浮

浮高朗經博有美於華起家太子舍人病疽

截手遂廢朝廷器重之以為國子博士遷祭

酒永平中為秘書監

魏志盧毓傳注

張華博識多聞無物不知盧浮高朗經博有

美於華起家為太子舍人

藝文四十九書鈔六十六引盧浮

盧挺 盧湛

子浩志並至尚書志子湛混崎表稱湛

有文思

魏志盧毓傳注

李胤

胤為吏部尚書正身率職不撓故能行其

所見遂刊定選例而著于令

藝文四十八御覽二百十四

書鈔六十引至遂刊定選例不撓上有不  
傾二字例作制又三十七引率職作率下撓  
上有傾字引至此止白帖吏部引正身上  
有稱字率職下即接刊定至末

華廙

廙有文翰歷位尚書令太子少傅追贈光祿大夫開府廙三子昆字敬倫清粹有檢為尚書蒼字敬叔

魏志華歆傳注

華廙字長駿為中書監時戎事多不泄廙年老病風令其子蒼草詔先時荀勗為監末年亦使息組原譌書詔草前後相承以子弟管之書鈔五十七

華廙為中書監時事多不泄啟世祖乞授子

蒼答詔先時荀勗為中書監末年亦使息組書詔草傳祇為中書監病風復使息暢書啟事皆前後相承以子弟管之御覽二百二十

華嶠 華澹

嶠字叔駿有才學撰後漢書世稱為良史為秘書監尚書澹字玄駿最知名為河南尹魏志

華歆傳注

劉毅

劉毅字仲雄為司隸奏太尉何曾尚書劉寔



父子及羊琇張他等所犯狼籍司部守令事  
相連及觀風投印綬者甚衆皆以爲毅能繼  
諸葛豐蓋寬饒也 御覽二百五十

劉暉

劉暉遵其家業用心厲正爲侍御史之職 書  
六十二

劉暉爲侍御史部尙書郎郭彰呵暉我不敢  
截君角暉厲色曰天子法官而索截角彰何  
敢爾索紙筆奏之彰伏坐不敢與校衆人解

而止暉嚴直之望聞於內外 書鈔三十七

劉暉爲侍御史修復庫事及軍器白上云郭  
章豪強輕暉小官上呵暉曰我不能截君角  
以待御史著法冠有兩角 書鈔一百二十七

和嶠

嶠字長輿汝南西平人父道太常知名嶠少  
以雅量稱深爲賈充所知每向世祖稱之歷  
尙書太子少保 世說方正篇注

和嶠字長輿道 原說 之子也少知名以雅重

稱常慕其舅夏侯玄之為人厚自封植巖然  
不羣拜黃門郎遷中書令轉尚書愍懷太子  
初立以嶠為少保加散騎常侍家產豐富擬  
於王公而性至儉吝嶠同母弟郁素無名嶠  
輕侮之以此為損卒於官贈光祿大夫郁以  
公疆當世致位尚書令魏志和洽傳注御覽四百七十一引至  
性至儉吝  
嶠常慕其舅夏侯玄為人故於朝士中巖然  
不羣時類憚其風節世說賞譽篇注

嶠性不通治家富擬王公而至儉將有犯義  
之名世說儉嗇篇注

惠帝以吏部尚書和嶠為太子太保御覽二百四十四

羊琇

羊琇字稚舒泰山人通濟才術與世祖同年  
相善謂世祖曰後富貴時見用作領護軍太  
子詹事世祖即位累遷左將軍中護軍特進  
文選沈休文齊故安陸昭王碑文注世說  
方正篇注引稚作穉才術作有才幹領護軍

作各十年無太子詹事四字特進上無中護車三字

都官從事程偉案狀羊琇所犯狼籍琇即遣家人待銅弩牙首入重法時人皆謂琇有權智世祖詔免琇官

御覽三百四十八

王戎

戎字濬冲琅邪人太保祥宗族也文皇帝輔政鍾會薦之曰裴楷清通王戎簡要俱辟為掾晉踐阼累遷荊州刺史以平吳功封安豐侯

世說德行篇注

王公而卒

王戎為荊州刺史揚烈將軍嶺南蠻校尉

御覽

二百四十二

戎性簡要不治儀望自遇甚薄而產業過豐

論者以為台輔之望不重

世說儉嗇篇注

王戎字濬冲戎為選官時江夏李重字茂曾

汝南李毅字茂彥重以清尚毅以淹通二人

操異俱處要職戎以識會待之各得其用

選文

任彥昇出郡傳舍樊范僕射詩注又王文憲集序注引無字濬冲三字選官時下作李重

李毅二人操異至末其用作其所

王衍

夷甫好尚談稱爲時人物所宗世說言語篇注

王玄

王玄字眉子夷甫子也東海王越辟爲掾後

行陳留太守大行威罰爲塢人所害世說識鑒篇注

玄少希慕簡曠世說賞譽篇注

王綏

王綏字萬子辟太尉掾不就年十九卒世說賞譽

篇注

傅咸

傅咸字長虞爲左丞臺閣大小望風自肅御覽

二百十三

李重傳祇

祇字子莊叡少子也晉永嘉中至司空祇子

宣字世弘魏志傅叡傳注

司徒傅祇以足二字原缺疾遜位不許板輿上殿

御覽二百八又七百七十四引祇譌作樞輿作輿文選潘安仁閒居賦注引傅祇以足

疾板輿上殿

衛尉傅祗以風疾遜位加光祿大夫門施行

馬御覽二百四十三

李重

李重字茂重江夏鍾武人少以清尚見稱歷

吏部郎平陽太守世說品藻篇注

重以清尚稱相國趙王倫以重望取為右司

馬重以倫將為亂辭疾不就倫逼之不已重

遂不復自活至於篤困扶曳受拜數日卒贈

散騎常侍重二弟尚字茂仲矩字茂約永嘉

中並典郡矩至江州刺史重子式字景則官

至侍中魏志李通傳注說品藻篇注引

常侍倫逼之不已作敦喻之數日卒下有時

王浚

王浚字彭祖為幽州刺史尋洛陽破浚承制

建行臺以宗廟焚毀設壇望祀七室及功臣

配食者藝文三十八初學記十三御覽

潘滔

滔以博學才量為名永嘉末為河南尹遇害

魏志衛覲傳注

武陔

武陔遷為右光祿開府正身率職朝論歸美

書鈔五十六

邢喬

颺曾孫喬字魯伯有體量局幹美於當世歷

清職元康中與劉渙俱為尚書吏部郎稍遷

至司隸校尉

魏志邢颺傳注

喬字曾伯河間人有才學仕至司隸校尉

世說

賞譽篇注案曾字疑誤

李順

順字曼長仕至太僕卿

世說賞譽篇注

阮咸

律成散騎侍郎阮咸謂勗所造聲高高則悲夫亡國之音哀以思其民困今聲不合雅懼非德政中和之音必是古今尺有長短所致然今鐘磬是魏時杜夔所造不與勗律相應

音聲舒雅而久不知夔所造時人爲之不足  
改易勗性自矜乃因事左遷咸爲始平太守  
而病卒後得地中古銅尺校量勗今尺短四  
分方明咸果解音然無能正者世說術解篇注文選五  
君詠注引中護軍長史阮咸唱議荀勗所造  
樂聲高聲高則悲亡國之音哀以思今聲不  
合雅懼非德政中不和之善必古今長短之所  
致後掘地得古銅尺歲久欲腐壞以此尺度  
於勗今尺短四分時人名成爲解

世祖時以荀勗所造律班示朝臣散騎侍郎  
阮咸唱議謂勗所造聲高必由古今尺有長

短所致然勗亦照案經典竿而制之又求古  
器得周時玉律比校正同荀勗奏日中所出  
御府銅竹律二十五具部太常樂郎正劉秀  
等校試其三具與杜夔左延年法同其二十  
二具視其銘題尺寸是笛律也問協律中郎  
將劉和云昔魏明帝時令和承受笛聲以作  
此律欲使學者別居一坊歌詠備習依此律  
調至於都合樂時但識其尺寸之名則絲竹  
歌皆得均合歌聲濁者用長笛長律歌聲清

者用短笛短律凡弦歌調張清濁之制不依  
笛尺寸名之則不可知也

御覽十六

勗性自矜左遷咸為始平太守

文選顏延年五君詠注

向純 向悌

洛陽敗純悌出奔為賊所害

世說賞譽篇注

王恂 王虔 王愷

恂兄弟八人其達者虔字恭祖以功幹見稱  
位至尚書弟愷字君夫少有才力而無行檢  
與衛尉石崇友善俱以豪侈競於世終於後

將軍虔子康隆仕亦官達為後世所重

魏志王肅

傳注

王愷

王愷字君夫東海人王肅子也雖無檢行而  
少以才力見名有在公之稱既自以外戚晉  
氏政寬又性至豪舊制鳩不得過江為其羽  
櫟酒中必殺人愷為翊軍時得鳩於石崇而  
養之其大如鵝喙長尺餘純食蛇虺司隸奏  
按愷崇詔悉原之即燒於都街愷肆其意色



無所忌憚為後軍將軍卒諡曰醜世說汰侈篇注

石崇為南中郎將御覽二百四十一

石崇好俠與王愷競相誇銜也世說汰侈篇注

山該字伯倫司徒濤長子也雅有器識仕至

左衛將軍世說方正篇注

嵇紹

康子紹文選嵇叔夜與山巨源絕交書注

康遇事後二十年紹乃為濤所拔世說政事篇注

紹與山濤子簡弘農楊準同好友善而紹最

有忠正之情以侍中從惠帝北伐成都王王

師敗績百官皆走惟紹獨以身扞衛遂死於

帝側故累見褒崇追贈太尉諡曰忠穆公魏志

王粲傳注

王烈

烈字陽秀蚤知名魏朝為治書御史世說賞譽篇注

郝隆

隆字弘始高平人為人通亮清識為吏部郎揚州刺史齊王冏起義應檄稽留為參軍王邃所殺世說品藻篇注

王堪

堪字世胄東平壽張人少以高亮義正稱為尚書左丞有準繩操為石勒所害贈太常世說賞譽篇注

惠帝幸長安東海王越表王堪為尚書右僕射假節都督奉迎諸軍事進於灞水上與郭

偉力戰堪仗節臨陣慷慨氣冠六軍即斬偉迎惠帝還洛陽其後為石勒所襲壘破左右石扶堪上馬堪慨然嘆曰我國家大將不能禦難以至於此奈何面目復還朝廷終不動騎遂至遇害初學記十七書鈔六十四引王堪字世胄行車騎將軍征討諸軍事為敵所襲堪嘆曰我國家大將至末下有孝懷悼之四字

袁粲

亮子粲字儀祖文學博識累為儒官至尚書魏志袁渙傳注

劉疇

傅宣定九品未訖劉疇代之悉改宣法於是

人人望品來者奔競文選任彥升王文憲集序注又干令升晉紀總論注引人人望品來者奔競來誤作求

劉准

准字君平沛國杼秋人少以清正稱累遷河

內太守侍中尚書僕射司徒世說方正篇注

劉粹

粹沛國人歷侍中南中郎將世說賞譽篇注

劉宏

宏歷祕書監光祿大夫世說賞譽篇注

梅頤

頤字仲真汝南西平人少好學隱退而求實

進止世說方正篇注

溫幾

溫幾字元甫太原人才性清婉歷司徒右長

史湘州刺史卒官世說賞譽篇注

孫秀

博陽晉諸公贊

孫秀字俊忠琅邪人初趙王倫封琅邪秀給為近職小吏倫數使秀作書疏文才稱倫意倫封趙徙戶為趙人用為侍郎信任之世說賢媛

篇注

劉弘

於時天下雖亂荊州安全弘有劉景升保有江漢之志不附太傅司馬越越甚銜之會弘病卒子璠北中郎將魏志劉馥傳注

劉雄

劉雄遷吏部尚書執心平當書鈔六十

齊萬年

惠帝元康五年武庫火北地盧水胡蘭羌因此為亂推齊萬年為主文選潘安仁馬汧督誄注又關中詩注引北地至末蘭羌上有馬字

楊喬

喬似淮而疎皆為二千石世說品藻篇注

楊髦

髦為石勒所害世說品藻篇注

鄒湛

湛字潤甫新野人以文義達仕至侍中世說排調

篇注

蔡充

充字子尼陳留雍邱人世說輕詆篇注

王澄

王澄字平子有達識荊州刺史世說德行篇注

繆播

懷帝以繆播為中書令朝事莫不諮之人君

之所取信於臣下無以尚也藝文四十八御覽二百二十

葛蕃

葛蕃傳檄平陽求連和迎上上於是見害文選

劉越石勸進表注

陳祖約

祖約少有清稱世說賞譽篇注

陳勰

陳勰以工巧見稱御覽七百五十二

庾峻

庾峻自司空長史遷祕書監幽讚符命天文地理因有述焉

書鈔五十七 初學記十二 御覽二百三十三

陳狼

都水使者陳狼鑿運渠從洛口入注九曲至於東門

水經穀水注引傅暢晉書

劉希彭

劉希彭俠烈有才用也

文選袁湯源做曹子建樂府白馬篇注

劉禪

劉禪乘騾車詣艾不具亡國之禮

蜀志後主傳注 御

寶九百一引至詣鄧艾

孫楷

吳平降為度遼將軍永安元年卒

吳志宗室傳注

象

晉時南越致馴象於臯澤中養之為作車黃門鼓吹數十人令越人騎之每正朝大會皆入充庭帝行則以象車導引以試橋梁後象以鼻擊害人有司奏之而殺象垂鼻泣血流地不敢動自後朝議以象無益於事悉送還

越初學記二十九御覽八百九十引殺象  
下無垂鼻二字泣血上有象字又七百七  
十五引平吳後南越獻馴象作大車駕之載  
黃門鼓吹數十人

子史鈎沉

荀綽晉後畧

晉武帝

世祖自平吳之後天下無事不能復孜孜於  
事物始寵用后黨由此祖禰採擇嬪媛不拘  
拘華門父兄以之罪臺非正形之謂字有扁  
禁以之攢聚實耽穢之甚昔武王伐紂歸傾  
宮之女助紂爲虐句有脫而世祖平皓納吳姬  
五千是同皓之弊也羣書治要二十九引荀

賈后

賈后既殺楊庶人於金墉城又信妖巫謂后既死必訴怨於先帝乃覆而殯之施諸厭劾符書藥物以含瘞之御覽一百三十八

賈后以鹿車出承明東掖東門詣金墉城食金屑而死御覽一百三十八又八百十引無出承明東掖東門七字

成都王

成都王國京邑城中魚肉無出營巷賣死驢馬肉雜死人肉賣之御覽八百二十八引晉後記

成都王圍京邑城中無菜採陳韭芥以為膳菜御覽九百七十六

張方

張方入洛諸官府大劫掠御寶織成流蘇皆分割為馬帳御覽八百十六

張方圍京邑決千金堰千溝渠枯涸井多無泉御覽七十三

荀勗

鍾律之器自周之末廢而漢成哀之間諸儒



脩而治之至後漢末復隳矣魏氏使協律知音者杜夔造之不能考之典禮徒依於時絲管之聲時之尺寸而制之甚乖失禮度於是亡祖命中書監荀勗依典制定鍾律既鑄律管莫求古器得周時玉律數枚比之不差又

世說術解篇注

而應聲音韻合又若俱成

倫為意故世人許以才知之名自相國右長史出為襄州刺史以貴簡稱

世說賞譽篇注

馮播

播字友聲長樂人位至太宗正生蓀

世說賞譽篇注

武舍

武舍字景緯官歷中庶子遷散騎常侍以母在日誨云汝修其意仕當為尚書郎懼進敘有違前言乃辭常侍為吏部郎

御覽二百十六引荀綽曾

後畧



位可謂小人而乘君子之器宜就顯戮以答天意謹免冠徒跣上所假章綬詔曰夫陰陽失序朕干天道刑政失中之所致也其使冠履勿復道書鈔五十一說郭五十九舒上有魏字權上有衛字奸凶作奸究叨優作聽優章綬下脫詔曰二字

惠帝

張方逼上出謁宗廟上以青筒詔勅中書曰朕體中不佳不堪出也書鈔一百三張方將移惠帝於長安入殿奉迎自領五千

馬皆捉鐵錘槩二節髮髻繫兜鍪皆用涼州白鶴毛天子望之大驚御覽九百二十四說郭五十九錘作匣鶴作鷓當從之

汝南王

汝南王葬詔賜冰五斛書鈔一百五十九

趙王倫

初趙王倫將篡位洛下童謠曰屠蘇郭日覆兩耳當有瞎兒作天子於是商農通著大裁郭日倫實眇目也御覽六百八十七

東海王越

司馬越字元超高密王泰長子少尚布衣之

操為中外所歸累遷司空太傅世說雅量篇注

東海王越治郵城城無故目壞七十餘丈越

惡之移治濮陽城南水經河水五注

長沙王義

世祖第十七子世說言語篇注

成都王穎

司馬穎字叔度世祖第十九子封成都王六

將軍世說言語篇注

范陽王

范陽王保於鄂坂後於其上置關寰宇記河南道西京

緱氏縣

楊濟

濟字文通弘農人楊駿弟也有才識累遷太

子太保與駿同誅世說方正篇注

董艾

艾字叔智弘農人祖遇魏侍中父綏祕書監

艾少好功名不修士檢齊王起義艾為新汲  
令赴軍用艾領右將軍王敗見誅

世說方正  
篇注

馮蓀

蓀少以才悟識當世之宜蚤歷清職仕至侍  
中為長沙王所害

世說賞譽篇注

三才

劉輿才長綜覈潘滔以博學為名裴邈彊立  
方正皆為東海王越所暱俱顯一府故時人  
稱曰輿長才滔大才邈清才也

世說賞譽篇  
注

陸機

華亭吳由拳縣郊外墅也有清泉茂林吳平  
後陸機兄弟共遊於此十餘年

世說尤悔篇  
注

陸機為成都王所誅顧左右嘆曰今日欲聞  
華亭鶴唳不可復得華亭吳國奉縣郊外之  
野機素遊之所

藝文九十一  
御覽九百十六  
引至不可復得  
文選鮑明遠  
舞鶴賦注引  
陸機嘆曰欲  
聞華亭鶴唳  
不可復得又  
謝玄暉敬亭  
山詩注引同  
復得作得也

潘岳

岳與湛著契故好同遊

世說容止篇注

周浚

浚字開林汝南安城人少有才名太康初平吳自御史中丞出為揚州刺史元康初加安東將軍

世說賢媛篇注

王衍

夷甫容貌整嚴妙於談玄恒捉白玉柄麈尾與手都無分別王戎云太尉神姿高徹如瑤林瓊樹自然是風塵外物王公目太尉巖巖

峭峙壁立千仞王敦稱太尉處衆人中似珠

玉在瓦石間

說郛五十九

夷甫雖居台司不以事物自嬰當世化之差言名教自臺郎以下皆推崇拱默以遺事為高四海尚寧而識者知其將亂

世說輕詆篇注

石勒見夷甫謂長史孔萇曰吾行天下多矣未嘗見如此人當可活不萇曰彼晉三公不為我用勒曰雖然要不可加以鋒刃也夜使推牆殺之

世說賞譽篇注

說郛五十九

胡母輔之

胡母輔之少有雅俗鑒識與王澄庾敳王敦

王夷甫為四友

世說品藻篇注

王玄

玄為陳留太守或勸玄過江投琅邪王玄曰

王處仲得志於彼家叔猶不免害豈能容我

謂其器宇不容於敦也

世說賞譽篇注

楊淮六子

楊淮有六子曰喬髦朗琳俊仲皆得美名論

者以為悉有台輔之望文康庾公每追嘆曰  
中朝不亂諸楊作公未已也

世說賞譽篇注

卞粹

卞粹以才識清辨見稱為太子舍人

書鈔十六

公孫崇

公孫崇字顯宗譙國人為尚書郎

文選稽叔夜與山巨

源絕交書注

盧綝晉四王遺事  
公祖宗  
不然而下  
中不獨前  
公祖宗  
不然而下  
中不獨前

子史鈎沈

盧綝晉四王遺事 一作起事

甘泉黃奭學

孝惠帝

惠帝征成都王於安陽城北軍敗日已向中  
而太官未暇進食左右有賚秋桃十枚便以  
獻帝帝食三枚石超使人擘手奪三枚 御案九百六十七

惠帝於鄴與成都王還洛陽出城倉卒上下



無持資食之調道中有驅羊二百餘口者便  
勒將至洛得以為糧至洛盧志啟以右藏絹  
倍還羊主 御覽八百十七

成都王穎奉惠帝還洛陽道中於客舍作食  
宮人持斗餘粳米飯以供至尊大蒜鹽豉到

獲嘉市麤米飯瓦盂盛之天子噉兩盂燥  
數株鹽豉而已 御覽九百七十七又八

食官人有持升餘米飯者燒以供至尊  
鈔一百四十三引惠帝還洛陽道間中  
舍作飲食官人有持升餘米飯者以  
尊又二十一引客舍作食

惠帝蒙塵洛陽黃門以瓦盂盛茶上至尊

七百六十一又八百六十七引同善鈔一百  
四十四陳補引至尊下有飲以為嘉興又  
二十一引慘茶煮飯不知所屬附記

惠帝征成都軍敗帝渴帳下齎五升

民家取水就灌飲之 御覽七百十二書鈔

惠帝還洛陽道中有老公蒸雞素木槃中盛  
以奉帝 御覽七百五十八

惠帝還洛陽得鹿犢車一乘以單帛裙為幃  
御覽六百九十六

惠帝與成都王自鄴還洛陽既至賜中書監  
盧志雲鶴綾袍一領書鈔一百二十九

建武元年天子還洛陽右將軍張方啟陛下

自鄴來還宜謁宗廟天子出因便劫啟移都

其夜方悉引兵從西明廣陽諸門入自領五

千騎皆捉鐵纏稍繫兜鍪皆用涼州白

鷄毛望之若茶御覽三百五十六又八百十

皆鐵纏稍案晉書是年為永興元年秋七月庚子改元為建武

張方劫帝西遷國家有寶物詔右將軍載之

於是放軍人八千餘人三日輦之尚不缺頂

真珍百餘斛御覽八百三又引惠帝遷長安時洛陽御府有大珠璫百餘斛

張方移惠帝於長安兵人入殿取物持調御

絹一疋幅正疑有脫字自魏晉之積將百餘萬疋

三日捷之尚不缺角御覽八百十七

天子自鄴還洛右將軍張方逼帝幸長安河

間王率參佐到霸水上迎大兵去路百餘步

銜枚屯列御覽三百五十七

惠帝到華陰河間王遣使上甘菓甘舖二百

幡 御覽八百五十二

惠帝征成都王穎戰敗時舉輦司馬八人輦  
猶在肩上軍人競就殺舉輦者乘輿頓地帝  
傷三矢百僚奔散唯侍中嵇紹扶帝士將兵  
之帝曰吾吏也勿害之衆曰受太弟命唯不  
犯陛下一人耳遂斬之血汙帝袂將洗之帝  
曰紹侍中血勿洗也

水經蕩水注

